

Artista Arubiano Ryan Oduber involucra den proyecto interesante na Hulanda

AMSTERDAM / ORANJESTAD - Desde


Amsterdam yega un comunicado di un evento dinamico riba e futuro di "Internet y New-Media", yama PICNIC festival cu a tuma lugar na Westergas Fabrick.

New-Media ta loke nan ta yama tur cos cu tin di haci cu interactividad of medionan nobo pa comunica cu otro via internet of u PC; por ehempel telecomunicacion, advertising, TV, cinema, websites, CD-Roms y (interactive) DVD's etc.

Den e siman e bishitantenan por a usa e evento pa bai workshops sobre e topico interactivo aki, bishita charlanan di profesornan den e ramo moderno aki y hasi contacto fructifero pa cu e sector di internet y New-Media.

Diarazon siman pasa e Arubano Ryan Oduber a resalta na Amsterdam den e topico di "Interactive Documentaries" organiza pa STIFO [Stimuleringsfonds Nederlandse Culturele omroepproducties].

E organizacion aki a cuminsa 8 aña pasa cu un master-class workshop pa promove "New-Media" bow di e productornan di pelicula y documentario Hulandes. Den e forma aki Sandberg Instituut



[e master opleiding di Rietveld Kunst Academie na Amsterdam] a forma un alianza y ta conecta un cineasta cu un diseñador. Den a caso aki Bouwewijn Koole, un cineasta cu a traha hopi cu mucha y e topico "morto" a wordo conecta cu Ryan Oduber. A base di e pelicula "Zoey" nan a sigi

pa traha un proyecto interactivo pa e master-class aki. E pelicula "Zoey" ta un documentario over di un mucha muher di 14 aña cu a perde su tata or e tabatin 5 aña. Na dado momento el a cuminsa haya soño straño over di su tata, a bai un psicologo caminda cu e especialista a instrui e pa haci un

plakboek pa su tata.

Den e plakboek aki e mester a skirbi y plak cosnan cu el a haya sa di su tata. Zoey, un mucha muher hopi astuto, a dicidi di contacta Boudewijn pa haci un pelicula over di su tata. Den e pelicula bo por mira con Zoey ta bai en buskeda di e memorianan pa cu su tata y ta buske na diferente caminda entro otro cerca su welo y wela y en specialmente e amigonan di su tata. Tambe e ta haya un maleta yen si obheto di su tata, manera potretnan, un sombre cu e tata tabata bista tempo di su chemo-therapie y tambe un cinta di pelicula cu el a laga pa su yiunan wak dia nan bira grandi.

E pelicula impactante a duna Ryan Oduber un impresion cu na final di e pelicula bo por a wak cu e mucha muher a bira un muher y a sa di resalta den su buskeda y a haya e memorianan di su tata y den e manera aki por a sigui cu su bida, serando e buki di pregunta pa cu su defunto tata. Ryan na su banda a dicidi cu tur mucha mester tin e posibilidad pa expresa nan mes den un forma manera Zoey a hacie, trahando un storia visual.

E producto final, www.herinnerdingen.nl, ta un website cu ora bo dreठा bo ta topa cu un mosaico di potret. Bow di e potretnan tin un storia, un monumento di un mucha pa cu un fayecido stima. Bo ta mira tambe palabranan cu ta mara na e monumentonan di e muchanan cu ta e palabra cu mas ta conta over di e fayecido. Ora bo click riba un potret bo ta mira un slideshow di potret caminda e mucha ta conta over di e obheto

riba e potret.

Tur cos ta wordo haci "live" riba internet, dus e muchanan ta traha nan slideshow y pone nan mes un stem, for di nan mes un camber, riba e website. Den e caso aki por splica cu e motibo cu e yama "herinnerdingen" ta paso el a ripara cu e importancia ta pa bai en buskeda di e cosnan cu mas ta laga e muchanan corda e fayecido y den e caso aki nan ta splica e motibo dicon.

Ryan ta splica cu nan a dicidi di no uza potret di cara paso esaki ta kita e mucha di ta creativo. Tur dia e website ta traha un mosaico nobo cu ta basa riba un di e potretnan for di e database di un mucha riba e dia di e fayecido.

E parti interesante ta cu e website aki a wordo usa oficialmente dor di profesionalnan [www.stichtingachterderegenboog.nl] den e ramo di jeugdtrauma, den e caso aki ta toca dificultadnan cu muchanan ta haya pa pasa over di e perdida di un ser ker. E proyecto aki a dura 1 aña pa wordo finaliza y a costa en total rond di 120.000 Euro caminda cu structura di e website so a costa 25.000 euro. Ryan Oduber a haci e diseño. E resto a bai den produccion.

Na e festival di "New-Media" na Amsterdam e organisadornan a scohe 3 di e proyectonan mas interesante. Tambe Boudewijn Koole cu Ryan Oduber a duna un lezing na "De Nederlandse Film Festival" cu a tuma lugar na Utrecht e biaha aki. Riba e importancia di internet y New-Media pa Aruba Ryan Oduber ta comenta cu te ainda ta wordo lubida cu e hobennan ta constantemente riba internet of nan ta wak TV.

Aki ya por specula cu pa yega na e hobennan aki mester pensa y haci manera nan ta haci y esei ta algo cu e no a wak ainda na Aruba. Tambe Ryan ta informa cu e mes ta bezig cu un stichting pa purba di consentiza, educa y stimula e hobennan pa pensa visual, interactivo y dunanan un lugar caminda nan por expresanan mes y ta mas creativo pa asina preparanan pa nan futuro den ki ramo cu ta.

Pa loke ta e sector comercial, Ryan ta splica cu por wak cu no ta solamente na Hulanda pero full rond di mundo mas placa ta wordo hinca den "online advertising" cu den advertising convencional, manera brochures, radio en TV. E turistanan mes ta busca informacion y ta boek online cu mas frecuencia cu aña pasa. Den e forma aki e lo kier wak mas "content" interesante pa e hobennan di Aruba y Aruba en general riba internet.